



BOSNIA AND HERZEGOVINA
MINISTRY OF FINANCE
AND TREASURY

Broj: 01-12-14/21
Sarajevo, 3. 3. 2021.

Na osnovu člana 14. st. (2) i (3) Zakona o slobodi pristupa informacijama u BiH („Službeni glasnik BiH“ br. 28/00, 45/06, 102/09, 62/11 i 100/13) i člana 1. stav (5) Rješenja o dopuni Rješenja o imenovanju službenika za informisanje br. 04/1-34-1-4277-1/13 od 06.05.2013. godine, a rješavajući po zahtjevu za pristup informacijama direktorice CPCD Aide Dagude iz Sarajeva, Ul. Marka Marulića br. 2, službenik za informisanje donosi:

RJEŠENJE
o pristupu informacijama

- Odobrava se Aidi Dagudi pristup informacijama koje su tražene 17. 2. 2021. godine.

Obrazloženje

Podnosilac zahtjeva Aida Daguda, direktorica Centra za promociju civilnog društva (CPCD), obratila se Generalnom sekretarijatu Savjeta ministara BiH odakle je Ministarstvu finansija i trezora BiH 17. 2. 2021. godine dostavljen zahtjev za nadležno postupanje u skladu sa Zakonom o slobodi pristupa informacijama u BiH.

Podnosilac zahtjeva traži da se dostave podaci o tome koji sektor provodi monitoring zaključenih ugovora pri ministarstvima, te da li postoje kriterijumi za monitoring zaključenih ugovora i koji sektor provodi evaluaciju pruženih usluga po osnovu zaključenih ugovora, kao i da li se te evaluacije nalaze na zavničnoj internet stranici Ministarstva.

Prema propisanim zakoskim procedurama i nadležnostima Ministarstva finansija i trezora BiH postoje više vrsta ugovora i različitih načina njihovog praćenja.

U skladu sa Zakonom o zaduživanju, dugu i garancijama BiH („Službeni glasnik BiH“ br. 52/05, 103/09 i 90/16) i Zakonom o postupku zaključivanja i izvršavanja međunarodnih ugovora („Službeni glasnik BiH“ br.29/00 i 32/13) Ministarstvo finansija i trezora (MFT) BiH zaključuje međunarodne finansijske sporazume kojima BiH preuzima kreditne i druge obaveze. U postupku zaključivanja sporazuma postoji zakonska obaveza zaključivanja supsidijarnih sporazuma kojima prenosi prava i obaveze na entitete ili Brčko distrikt zavisno od alokacije sredstava. Nadležnost za implementaciju projekta imaju jedinice za provedbu projekata koje su osnovane pri entitetskim resornim ministarstvima ili krajnji korisnici, zavisno od vrste projekta, tako da monitoring napretka takvih projekata vrše entitetski organi.

U dijelu obaveze otplate i upravljanja duga po međunarodnom sporazumu nadležan je Sektor za upravljanje dugom MFT BiH. Ovaj sektor, kao i međunarodne finansijske institucije, prate

implementaciju projekta kroz sistem povlačenja sredstava i plaćanja po datim ovlaštenjima sa računa MFT i izvještajima koji dostavljaju implementatori projekta.

Druga vrsta ugovora, koje MFT zaključuje i provodi, odnosi se na proces javnih nabavki i to je u nadležnosti Sektora za pravne, kadrovske, opšte i finansijske poslove.

Obaveza praćenja realizacije zaključenih ugovora i monitoring, odnosno analiza procesa javnih nabavki i realizovanje ugovora/okvirnih sporazuma u MFT proizlazi iz Pravilnika o internim procedurama u postupcima javnih nabavki u Ministarstvu finansija i trezora BiH, broj: 04/1-02-3-8527-1/19 od 29.10.2019. godine.

Odredbama navedenog pravilnika, utvrđena je:

1. Obaveza stručnog savjetnika za javne nabavke u Sektoru za pravne, kadrovske, opšte i finansijske poslove da prati realizaciju ugovora/okvirnog sporazuma na propisanom obrascu, u skladu sa Zakonom o javnim nabavama i Uputstvu o objavi osnovnih elemenata ugovora i izmjeni ugovora, te da predmetni obrazac kvartalno dostavlja Odsjeku za poslove informisanja, protokola i prevođenja radi objave na službenoj internetskoj stranici Ministarstva
2. Obaveza stručnog suradnika za javne nabavke u Sektoru za pravne, kadrovske, opće i finansijske poslove da kontinuirano prati realizaciju ugovora/okvirnih sporazuma sa aspekta količine, raspoloživih sredstava i vremenskog važenja,
3. Obaveza Komisije za monitoring da na godišnjem nivou izvrši analizu procesa javnih nabavki i realizacije ugovora/okvirnih sporazuma, te o istom sačini sveobuhvatan izvještaj sa primjedbama i preporukama za eventualno poboljšanje.
4. Evaluacija Komisije za monitoring do sada nije objavljivana na internet stranici Ministarstva, ali je izrada nove web stranice u završnoj fazi i, u skladu s odredbama Proaktivne transparentnosti, i ovi će izvještaji biti objavljeni kao što se objavljuju odluke o izboru najpovoljnijeg ponuđača i plan javnih nabavki.

Uputstvo o pravnom lijeku: Protiv ovog rješenja može se, u roku od 15 dana po prijemu, podnijeti žalba Žalbenom vijeću BiH. Može se obratiti i Instituciji ombudsmena za ljudska prava BiH na adresu: Ravnogorska br. 18 78000 Banja Luka, Tel/Fax: 051/ 303 992.

SLUŽBENIK ZA INFORMISANJE

Nataša Krsman



Dostavljeno:

-Aida Daguda

- a/a